

**MUSKOGEE HYMNS**

(ORIGINAL)

COLLECTED AND  
REVISED FROM

**THE OLD BAPTIST HYMN BOOK**

**-BY-**

**J.H. LAND, SAPULPA, I.T.**

*"Speaking unto yourselves  
in psalms and hymns and  
spiritual songs."*

SAPULPA, I.T., 1905  
THE LIGHT PRESS

MUSKOGEE HYMNS.

---

*Alas! and Did My Savior Bleed.*

1. C. M.

- 1 Æha! Kut! Cv Hesayecv  
Catv palvtkvt haks?  
Momen vm Mekko elvt haks?  
Cuntv omosayan.
- 2 Vne holwayeciyan  
Eto vtarkvt haks?  
Estomahe vnokeckv  
Muntalat sahsekos!
- 3 Hvse momvre tetayen  
Yomucket omvtes,  
Hesaketvmese elof  
Est'en holwayeckvn

- 4 Tohweklepkn heciyofvt,  
Cv torofvn ehit  
Alsosen: Cvfeke kafken;  
Es hvkihkiyet os
- 5 Cv toropuswv-pvlatkis  
Vm vhuere fekeks:  
Tokvs! Mucv Cem e wikis  
Etvh estomakos.

2. C. M.

*O! For a Closer Walk With God.*

- 1 Aha Cehofv toyetskvt  
Ce nakvecit orin;  
Nene oh hiyayvkatén  
Cesvs' sacco hayen:
- 2 Herkv herat kerrin omat,  
Hesaketvmesen  
Akvsamiyet emonket,  
E' mekosvparens.

- 3 Em vnokeckv ofv min  
Ariyemonkvres:  
Aha! Momvkonomate  
Vc afvcikekos
- 4 Yvn vm afvcketvn hyeán;  
Elkvt Cv Cakkofvn,  
Yv ekvnnv en kvpahkit;  
Cesvs rvpvkares.
- 5 Moh men Cesvs rvpakeyof,  
Mvn likiye mon kvres.  
Oh rolope sulket hoyanis  
Likiye munkvres.
- 6 Es yvhiketvn vmores<,>  
Yvhikiye monket,  
Afvcketv yvksv-sekov  
Likiye mvnkvres.

3. L. M.

*"The Sabbath"*

- 1 Æha Hesaketvmese!  
Mocv-nettv cen nettv tes,  
Ce mekosvphoyvranan,  
Mocv-nettv hayetskvtes.
- 2 Este omvlkvt cen nettvn,  
Cem mekosvpka cokon  
A oh awet cem-ahakan  
Kerrvkvren, melletskates.
- 3 Cen Mekosvpkv Cokon  
Esceyet vpokeyofvn,  
Cen Puyvfekcv Heraten,  
A ep oh hvtvpecicvs.
- 4 Pu feken ahonechoecet  
Eyasketvn pu kerricvs;  
Momet Cem estvlke  
Ete nokecvke pu hahicvs.

4. C. M.

*"O! For a Thousand Tongues to Sing."*

- 1 Æha! Este etolaswa  
Sulket yvhikekvs  
Pu Nesate, rakke mahat  
Esvkvsvmetvn.
- 2 Hesaketvmese Purke,  
Es em ofvcketvn  
Oh akvsamet, en herkv  
Elkv sohfvnkvvres.
- 3 Cesvs hocefkv poheyof,  
Penkvkv omvlkv  
Pu feke nokhokosaten,  
Omv, pun sum hueces.
- 4 Yvhiketv heret omen  
Holwayecv pohes.

Cesvs e hocefkvñ pohof  
Hesaketvts, herkvts.

- 5 Holwayeckv yekcakisem  
En yekcen kaceyes;  
Momet Mekusapekate  
Mekusvpen hayes.

5. C. M.

*"Confessions of Sin."*

Psalm 51: 1-4

- 1 Æha! Hesaketvmese!  
Vnen vm vnicvs;  
Vnokeckv acvkayen;  
Cem merk v sulket os.
- 2 Holwayeckvñ vm vslecvs:  
Mont vn hvsvtecvs:  
Vn holwayeckv kerrusetsks  
Ce homvñ ocet os.

- 3 Cen rapis, Ceme tvlkusen,  
Cen rapiyet omes.  
Heyv holwayececate,  
Cv hecusetsket o<s>.
- 4 Monk vñ nake maketskate  
Hiyayakuset os;  
Mont nake oh wiketskate  
Fvtcv heret omes.

6. C. M.

*"The Crucifixion."*

- 1 Æha! Pu Hesayechkvñ,  
Pum estemerkvtes!  
Tohwcklepkvñ oh vtarket.  
Mun pum oh elvtes,
- 2 Hvse vkerkvñ tutceven  
Ekvnv omvlkvñ.  
Yomucken oh vlakuecen.

Omyl' ohranvtes:

- 3 Ekvnan nekeyvtes;  
Mekusapvk-Cuko  
Setentackvte setkvtes  
'Lecv yeshvtvtpket.
- 4 Æha! Pu Hesayccvvhkvn  
Yekcicet huehkvtes,  
Maket "Cvrke toyetskv  
Vn 'yvfekcvn cemis."
- 5 Maket puyvfekcv wihken  
Ena elepvtes;  
Hiyomen pu Hesayecv  
Pu nesvtet omes.

7. L. M.

*"Exhortation to Prepare for  
Death."*

- 1 Hesaketvmese likes,

- Nak' omvkvvn hahicvtet  
Anokecet 'mekosapes;  
Emvhakvn akvsames
- 2 Mahakv Pomahayvre  
Nakcokv rakkon pomates;  
Mahakv mehenwat omes,  
Pu fekevn esakkvsames.
- 3 Moponvkv herkvvn oces,  
Em estvlke 'mafvetvt:  
Pun mvtteton; mekosapes,  
Emvhakvn vrakkueces.
- 4 Po melkv nettvt ocet os.  
Hofonekaranis omes,  
Este espon mvnettakise,  
Elkv vkueyate sulkes.
- 5 Pun nettv vhoske 'munken  
Cesvs Pu mehake 'munken

Elkv pocvhkeko munken  
Mekosapa hakeyate.

8. 8, 7, 4.

*Guide Me, O! Thou Great  
Jehovah.*

- 1 Cehofv Purke toyetskvt!  
Halwe mahen liketskat,  
Nak omvlken hayetskvtes:  
Omvlkvn oh-fvn ketskat;  
Ce malokis Ce malikis  
Cv Sepetskvren komis.
- 2 Cesvs, pun hesse toyetskat!  
Pu men pu meletskvtes;  
Naorkv toyes pun merrvs  
Pun puyvfekevn le 'mes  
Ce malakis, Co malakis  
Cv sepetskvren Ko mis.

- 3 Tvklieke hesake toyis.  
"Pumen pu kisetskvtes;  
Yv tvkliken estit hompat,  
Ehlekos" maketskvtes;  
Cv hompicvs, Cv hompicvs  
Momen hvtum. Cx "yaces:
- 4 Uewv hesakiye toyis;  
Pumen pu kicetskvtes:  
"Heyv uewvn estit eskat,  
Elekos." Makestkvtes.  
Mon cvsqucvsv.  
Momen vcafvcvsvres.

9. L. M.

*In My Father's House are  
Many Mansions.*

- 1 Purke hute nak omvlkv  
tetakvtet cem ocvkes;  
Hesaketv yuksv sekot

Tetakvtet cem ocvkes."

- 2 Naorkvlke omvlkatskat,  
Herkv likan hopoyakes;  
Mokat tehkvn makvkvntos  
Herke racket cem ocvkes.
- 3 Naorketvn en kvpaket,  
Herkv likan hopoyakes  
Anen cv tehoyanecet  
Herkv likan hopoyokes.

10. C. M.

"Baptism"

(Matt. 28:29-20. Mark 16.16)

- 1 Apeyet, este mvhayvks,  
Etvlwa omvlkvn,  
Erke Eppuce P'yvfekcv,  
En hocefkv ofvn.
- 2 Akvsaman aksumhoecvks  
Cesvs Kicvtes

Nak Ce mahayvkiyvten  
Este mahayakes.

- 3 Estit acho hakvsvmet  
Aksvmken omate,  
Mat hesvhokvres  
Cesvs makvte tos.
- 4 Pu na uewa hvsvtkose  
Aklopate omet  
Pun yvfekcv naorketv.  
En hvsvthakakes
- 5 Heyv sahopakat omes.  
Yvn Puhesayecv,  
Ahakv pomatet onkv  
Momeceyet omes
- 6 Hopeliket kvwvpkate  
Ma Kerkoccyvtet.  
Pume Uewvn akhopelket



Rakawvpkeyet os.

11. H. M.

*Our help in the Triune God.*

- 1 Cehofv toyetskat,  
Yvn ce homvn yices;  
Ce mekusapeyof  
Pum pohetske munkvts:  
Naorkv toyese; pum merrvs,  
Pun tvlkusat estohmekos.
- 2 Cesvs pu H'sayeca!  
Vhtet, epu'pvkvs;  
Mometsken omate.  
Pu 'fackuse hakes:  
Mohmen ce mekusapeyof,  
Pu feket afackakuses.
- 3 Puyvfekev Herat,  
Pu feken pun piket;

Epu 'fvcecicvs;  
Pu'stemerrakuses.  
Cen herkvu pu feken piken,  
Momof pu'fvcke hakvres.

12. C. M.

*"Praise the Lord, all ye  
Nations."*  
(Psalm 117.)

- 1 Cehofvn akvsvmvkes,  
Tvlofv omvlkvu:  
Este 'mvlkvu akvsvmvks,  
Em merkuv vrahkvn.
- 2 Pum merrusat rakket omen  
Cehofv fvtevn oks;  
Em vhavv yuksv-sekos!  
Cehofvn 'kvsvmvks.
- 3 Cehofvn akvsvmares

Vm pohvtet omes;  
Mvt cv hesayecvtet os;  
Mvt vn yvhiketvts.

- 4 Vhauke fvtcvn ceyares  
Cesvs oh ohayit;  
Hesakiye munkv tares:  
Cehofvn 'kvsvmvks.

13. C. M.

*God my Strength and  
Salvation.*  
(Psalm 18:1-2)

- 1 Æha, Hesaketvmesen  
Vc vnokecuses,  
Mvt vn yekcetvt omekv:  
Oh akvsvmares.
- 2 Momekvs komaten arit,

Hesakit omikv,  
Hesakctvmese eston  
Cv hoseko taves.

- 3 Holwaket vm ocofvhkvn,  
Vc vpake munkvts:  
Enokketv tis vn heckof,  
Vc vpake munkvts.
- 4 Monkv en herkv ofv min,  
A<r>iye munkvres:  
Vm vnicuset emunkat,  
Ariye munkvres.
- 5 Momen vn nettvt pokofvn,  
Hesaketv 'munkan  
Likiye emunkv tares  
Cvrken vpvkepit.

14. L. M.

*Trusting in God.*  
(Psalm 86:4, 10, 12.)

- 1 Purke Hvlwe liketskate,  
Nak omvlkvn cem enhonres;  
Ce hocefkv ofvn yices;  
Monkv cem penkvlakuses.
- 2 Ce heret, ce rakke mahet.  
Omvlkeyan Purke toyetsks!  
Cen hopuetakuce toyes;  
Omv1' pu hayetskvtet ok.
- 3 Omvlkvt pu feken cemes;  
Omvkvt cen nene heces;  
Pu wvnhkakuset cen yices,  
Uewv hesaken pu'skuecvvs.
- 4 Pun hesaketvt koconknus;  
Cen herkvn oceko munket,

Cen kvpaken omatehkvn,  
Tetayen pu'stemerkvres.

15. L. M.

*Praise ye the Lord.*

- 1 Omvlkvt yv nvkafteyat,  
Pum vkerrickvn kvwahpet,  
Purke Hvlwe likate min  
Omvkvt akvsvmvkers.
- 2 Akvsvmkvt enaket ok,  
Akvsvmvraneyet os.  
Akvsvmekon omate,  
Em vhakvn en kaceyes.
- 3 Momis akvsameyate,  
Yvmv ekvnnvn wikeyof,  
Em afvcketv heraten  
Vpokeyet emunkvres.

## 16. S. M.

*My God, my Life, my Love.*

- 1 Vn Hesak'tvmese,  
Cemen ec oh huehkis;  
Vc vpaketskekon omat,  
Hesakeko tayes.
- 2 Cent vc vpaketskat  
Vn heret omisem,  
Vn kvpaketsken omate  
Cv'stemerre tayes.
- 3 Monkv cen tvlkusen,  
Cem estvlk' herake  
Hvlwe-tvlofv vpokat,  
Ce mek'svpaket os.
- 4 Yv ekvnnv este  
Oh fullat vtekat,

Cent vpaketskekon omat  
Em afvcketvhkvn

- 5 Hayvkeko tayes,  
Monkv cent vpaket  
Em vnicetskat tvlkusen  
Afvckaket omes.

## 17. C. M.

*God, Omnipresent.*  
(Psalm 139: 1-10.)

- 1 Hesak'tvmese toyetskat!  
Cv kerretsket omes;  
Vm vkerrickv omvlkvn  
Vn kerretsket omes.
- 2 Vm aretv tis omvlkvn  
Vn kerretsket omet,  
Nuckv ofvn wakkiyisem,  
Vc vhecicetskes.

- 3 Hesak'tvmese toyetskat!  
Estvmimvn ayit,  
Monkat, estvn ariyisem,  
Cv hecetske mvnkvts.
- 4 Sutv ofvn ceyayisem,  
Mvn liketsket omes;  
Totkv-rakkon tvk ceyiyis,  
Mvn'roretsket omes:
- 5 Mont cv tvrpnv hahyit,ahyit.  
Uehvkv'n'roriyis,  
Mv mahvkau cv hvlatet,  
Vm merretsket omes.

18. C. M.

*Let others boast how strong  
they be.*

- 1 Este vpvlvv en yekcen

- 'Se'kvsvmvkepis;  
Pumeh cen 'coh akvsames,  
Pun yekce sekokv.
- 2 Mon pvhe lanet on amat,  
Herusvte tisem,  
Kvsvppe vlaken amat,  
Mv pvhehkv'n eles:
- 3 Mv etvpomuset puna  
Cvfeknusvte tis,  
Elket vlaken omate,  
Momusen elet os.
- Monkv pu hesahokofvt,  
Pu Hayvte likan  
Pu tulaswvn es hocefet  
Akvsvmvkeres.

19. C. M.

*Let us all praise the Lord.*

- 1 Pum vkerrickvn kvwahpet,  
Hesaketvmesen  
Yvhiketvn 'siyvhihet,  
Akvsvmvkeres.
- 2 Akvsvmkvt enaket ok,  
Akvsvmvkeres:  
Pum puyvfekcau'somvlkvn  
Es akvsvmvkers.
- 3 Akvsvmekon omate,  
Pu'stemerrvkvres:  
Monkv pu feke 'somvlkvn  
Es akvsvmvkers.
- 4 Momet epu'fvtskvkocet,  
Es vyvhikeyof,  
Pun holwayeckv sulkisem

Pun hvsvthicvres.

- 5 Mohmen elket pum vlakof,  
Epu'fackakuset,  
Hesaketvmese Purken  
Er vpvkeyvres.

20. L. M.

*God requires pure worship.*

- 1 Hesaketvmese, Hvlwen  
Vn liketvn hayiyvtes;  
Momen yv ekvnnv likat,  
Cvllle vm ohhuerickv tes,
- 2 Maket, pun kerkuecvtet ok<i>  
Yvmv ekvnnv fulleyof,  
Makvtet os, komet fullet,  
E mekusapet omvkers.
- 3 Mont e mekusapeyof.

Pu feke omvlkvn emet,  
Mekusvpaken omate,  
Pum apohicet pum merres.

4 Momis yvhiketv tvlken  
Yvhiket omen omate,  
Pum vkerrickv 'somvlkvn  
Yvhikvkekon omate.

5 Ehaperkvn nvkafteyes,  
Pu feken emekon omate;  
Monkv mucv omvlkeyat,  
Pum vkerrickvn emvkers.

21. S. M.

*I will praise Thee O Lord.*  
(Psalm 9)

1 Hesaketvmesen  
E mekusvpare; ;  
Cv feke 'somvlkvn emit,

En herkvn kerkuecis:

2 Mvn kerkueciyoftv,  
Vc afackuset os.  
Mohmen svyvhikiyofau,  
Vc afackuset os.

3 Hesaketvmese  
Like munkvt omes.  
Mohmet en liketv hayat,  
Hvlwen hayepvtes:

4 Monkv e hocefkvn,  
Es vyvhikares:  
Estvmvton ariyisem,  
Es vyvhlkares.

5 Naorkv toyiyis  
Akvsvmepares;  
Mvn akvsvmekon omat,  
Æha cv'stemerres.

22. L. M.

*The Lord is my Shephard.*

(Psalm 23.)

- 1 Cehofvt vc vhecicvts,  
Monkv naken cv'yahcekos!  
Pvhe-lan' ofvn cv wakec't;  
Ue' tempen es cv hoyanet:
- 2 A cv hesayecet omes.  
Nene lvputkusat ofvn,  
Vn homahtet 'svc ayet os,  
E hocefkv vrahkvn os.
- 3 Yv ekvvnv oh ariyof,  
Elkv 'mvpette ellecvn  
Eteropottiyet omes,  
Naket cv penkvlehcekos.
- 4 Cent vc vpaketske munkvts;

Setekkekv ocetskatet,  
'Svm vnickvn ocetsket os,  
Mvt vc afvcecicet os.

- 5 Cvkv, nehen 'svm vfeyet,  
Vn horre fullate ofvn  
Vne cv homvn hompetvn  
Vm etetakuecetsket os.

19. C. M.

*How precious is the Book  
Divine.*

- 1 Nakcokv-rakko heret os  
Purket pu 'mvtet ok:  
Em punvkvhkvn kulke ont  
Hiyayvhokuset,
- 2 Pun'yvfekcvn Purke likan  
Em oh mellet omes;



Pu feke nokhokvte tis  
Pum wicecet omes

3 Yomuckofv fulleyvte,  
Pun hiyayicet os;  
Momet penkvlkv tis omvl'  
Pum wicecet omes.

4 Nakcokv-rakko vcakat  
Nenen pum onayen  
Vpeyet, Hvlwe-tvlofvn  
Er oriceyvres.

23. C. M.

*"O how I love thy Law."*  
(Psalm 119.)

1 Cem vhakvn vnokecis,  
Hesaketvmese!  
Nettv omvlkv, nere tis,  
Vm vhlvpatet os.

2 Nere ofv vhonecit  
Hiyvtkeko munken,  
Vhakvn oh vkerricis,  
Mvn vnokecikv.

3 Vm aretv omvlkv mvn  
Es vketeciyes,  
Mvt hesaketv en nene  
Heren vm mellet os.

4 Cem opunvkv heraten  
Pohetvn cv'yaces;  
Mvn pohvko tayen omat,  
Vc afvckekot os.

5 Nakcokv-rakko vcakat  
Esvhik'tvn v'mes;  
Mvn est'emetskvttet okv,  
Ece'kvsvmares.

6 Cem punvk 'em mehenwetv

Yuksv-sekot omes;  
Kulket hiyayvke munket  
Ep oh hiyayices.

- 7 Momis este sulke mahet  
Yomuckofvn vpok's:  
Æha! Heyv hiyayvken  
Lvpken a en 'totvs.

24. C. M.

*Religion our chief concern.*

- 1 Mekusvpkv yvmv este  
Fullat en raket os:  
Æha es kerriyeyvte,  
Heret on kerreyvnks.
- 2 Heyv cvtokunaplane  
Sen rakke mahet os;  
Yv ekvnnv nake pu'mat

Sen rakke mahet os.

- 3 Yvn 'metetakueceyvnt os,  
Pu mvnettakusof,  
Elkvn pum etetakueces,  
Herkv yuksv-sekon.
- 4 Cv feken mucvsecekvs,  
Hesaketvmeset:  
Mesia mekusvpetvn  
Vkerriciyet os.
- 5 Æha naorketvn wikit,  
Cesvs vnokecit,  
Oh akvsvmetvn ocit,  
Here cv hakekvs.
- 6 Momof Hesaketvmese  
Vc vnokecvres;  
Mohmen cv'lof en liketvn  
Likiye mvnkvres.

25. C. M.

*I declare unto you the Gospel.*

(I Cor.15: 1-4)

- 1 Tecakkeyvte toyatskat!  
Hesaketvmese  
Em vhakvn cen kerkuecin,  
Mvn akvsvmatskes.
- 2 Momis mv akvsvmatskat,  
Vkerrice munket  
Fullatskekon omatehkvn,  
Ehaperkvt omes.
- 3 Heyv cen kerkuecvkiyat,  
Pu Hayvtet omet,  
Hesak'tvmese'Eppuce,  
Pum Estemerrvtes.
- 4 Pun naorketv vrahkvn,

Pum elet omvtes;  
Nakcokvt makvtet omen  
Es ohtvcecvtes.

- 5 Mohmen er hopelhoyvten  
Nettv tutcenofvn,  
Hvtvm er akvwapkvtes,  
En yekcen ocet ok.

26. 11s.

*How firm a foundation.*

- 1 Hesaketvmese mekusapvlke,  
Cem akvsvmkvn em punkv ofvn  
Yv ce kicvkat momusen maket os;  
Cen holwakof, Cesvs a oh awepet.
- 2 "Nake estomis enokketvt ocis,  
Ce'stemerkusis, cenake oce tis,  
Ce huden aret, estomis aretskis,

Cen nettv̄t ocat, cen yekce toyares

- 3 "Ce penkahlates, ece'pakvkares,  
Vnet cen Hesaketvmese toyis,  
Yekcetvn ce'min, aretsket emun-  
ken,  
Cvnke en yekcetvn es cem vnicin.
- 4 "Holwake estomen ropotecatskis,  
Uerakko omet ec oh lawikekos;  
Holwaket ocen, cen holwkvki-  
sem,  
Vn herkv heren ce'maye munk-  
vres.
- 5 "Nake holwakis ce feken hopanof,  
Vm merretvn ce'maye munkv  
tares;  
Fenke tetayis, cen nokkihcvkek-  
os;

Holwakat cen sumken, yekcet  
Hueretskes.

- 6 "Vne vm estvlke vculkv oris;  
Vnokeciyat vm etv hahkekos;  
Ekv-esse hatkis vnokecares,  
Kulke hiyayakat omit vpakis.
- 7 "Mv este Cesvs oh akvsamvte,  
*Estofvn, Estofvn* en kvpahkvk-  
os:  
Mv este nak omvlkvt vnrapisem  
*Estofvn, Estofvn* en kvpahkvk-  
os."

27. C. M.

*"Salvation! O the joyful sound."*

- 1 Hesaketv yuksv-seko  
Afvcketv ocat,

Naorketv pun nokkicat  
Omvl' pum wiceces.

- 2 Pu feke nokke ohranof  
Holwayeckv ofvn,  
Totkv-rakko yomuckaten  
Awoliceyofvn,
- 3 Hesaketvmeset momis  
Pum merren pu hesak't;  
En liketv hiyayvke.  
Nettv-heran heces.
- 4 Hesaketv emunkaten,  
Yvhiketvt haken,  
Ekvnv rake fulotan  
Afulotkepekvs.
- 5 Momen sutv ofv este  
Vpokat yvhikof,  
Yvhiketv yuksv-sekon

Yvhikepvkvres.

28. C. M.

*The joys of Salvation.*

- 1 Hesaketv emunkaten  
Pohet epu'fvckes;  
Here mahet omepekv,  
Penkvlvk sumecic'.
- 2 Naorketv ep ohranen,  
Holwakat, 'mvhauken  
Lumhet pu'stemerkvranof,  
Merretv heraten;
- 3 Pum merret a pu kvwapof,  
Epu'fackakuset,  
Yvhiketv herakaten  
Yvhik'ye munkvres.

- 4 Hesaketv yuksv-sekon  
Yv ekvnnv omvl',  
Sutv vpokakat omvl'  
Yekcen yvhikekvs

29. C. M.

*Plunged in a gulf of dark despair.*

- 1 Sufke yomucke ocaten  
Naorkvlke lumhes;  
Svnnvcomv hesahoket  
Nettv hecahkekos.
- 2 Momof Cesvs pum Mekkohkvn  
Pu'stemerran hehcet;  
Vnokeckv rakken ocet,  
Pum vnicvtet os.
- 3 Hvlwe hiyayakusate  
Vtet vlakvtes,  
Afvcketv emunkaten

Like munkv tatet.

- 4 Yvmv ekvnnv vlakof  
Este elat omen,  
En hopelkvn oh pihoken,  
Mvn wakket omvtes.
- 5 Momis en yekcen ocet ok,  
Hvtvm rakvwapket,  
Pun holwayeckv yekcakat  
Omvl' ohfvnkvtes.
- 6 Cesvs pum puyvfekcvhkvn  
Pun hesahuecvtes;  
Nokke 'meyuksv sekaten  
Pun kvpiyecvtes.
- 7 Æha! yv vnokeckvhkvn  
Yekce estvmahets;  
Cvto en yekce muntvles;  
Omvl' tvkohlekvs.

8 Momen este e tulaswvt  
 Cesvs hocefaket,  
 Akvsvmaket, yvhiket,  
 Vrakkuecvkekvs.

30. L. M.

*While shepherds watched their  
 flocks.*

1 Yvpefik' vhecicvlket  
 Vhecicet neren fullof,  
 Hesaketvmese 'mestet  
 Hvlwen vtet 'mvlakvtes.

2 Mvn hecat penkvlakvtes:  
 Momis Ce penkahlvkates,  
 Hecvkes! punkv-hervn  
 'Svlakit omis, kicvtes.

3 'Stucet, Tewe 'me tvlofvn  
 Hecken, em onayakvtes:

Mont mvn 'roricatskof wakken  
 Eshecatskvres, kicvtes.

4 Mon kicof, Hesak'tvmese  
 'Mestvlket hiyayvhoket  
 Akvsamet, yvhikaket  
 Etefullen pohakvtes.

5 Mvn pohakat vpakuset  
 Hecvranat vpeyvtes:  
 Mont vpehyet er hecakat  
 Hvmkvn 'sten kerkuecakovtes.

31. L. M.

*Not to condemn the sons of men.*

1 Hesak'tvmese Eppuce  
 Yvmv ekvnv vlakat,  
 Este estemerricvrvnt  
 Yvmv vlak't omevates.

- 2 Nakfvske 'se em vnickv  
Ocekot vlakvtet os.  
Hesaketvmese Purke  
Pumen pum merruset omet<,>
- 3 Eppucen a pun'totvtes.  
Pu 'rahkvn estemeriket  
Pun'yvfekcvt Totkv-rakkon  
En kvpvkvren omvtes.
- 4 Monk' naorkvlke omvl'  
Cesvs oh akvsvmaket,  
E hocefkvn vfekrakkat,  
Omvl' hesahokepvres.

32. C. M.

*Sinners, behold the Lamb of God.*

- 1 Holwayecvlke toyatskat!  
Hesaketvmese

- Purke rakke Hvlwe likat,  
En yvpefikucen
- 2 Hecvkes! pun holwayeckvn  
Pum vkuehuecvtes.  
Pu sumecan pu hopoyet  
Vlaket omvtes;
- 3 Naorkvn ayoposkvrvt  
Vlaket omvtes;  
Mont e catvn pvlavtes:  
Hecvks! pu nesvtes.
- 4 Monk' Cesvs oh awolicvks:  
Cen huehkvket omes:  
Naorkv rakke mahat tis  
Hesake tetayes.
- 5 A svpaklet oh vpeyvks,  
Ce nesvtet okv:



Momatskof, hvlwe-estvlken  
'Rvppvkepatskvres.

33. C. M.

*All hail the power of Jesus' name.*

- 1 Cesvs hocfkv en yekcen  
Omv1' akvsvmvks;  
Hvlwe-estvlke herakat  
Homvn pvlvtkekvs;  
Hesayecvn vrakkuecvks,  
Omv1' em Mekkot ok.
- 2 Eslevl en hopuetake,  
Enhopoke toyatsk's,  
Cesvs merkvl teropotten  
Ce hesahuecet os:  
Hesayecvn vrakkuecvks;  
Cem Mekkot 'kvsvmvks.

- 3 Naorka! cem vnokeckvt  
Cesvn ehohsekos,,  
Elle e homv tvk latket  
Mekkon vrakkuecvks.  
Kapvtokv-vcakan svt's  
Mekkon vrakkuecvks.
- 4 Este ekvnv fullatskat,  
Tvlwv omvlkatskat  
Nak omvlkvn 'svrakkuecvks,  
Omv1' em Mekkot ok.  
Hesayecvn vrakkuecvks;  
Cem Mekkot 'kvsvmvks.
- 5 Æha, este etohkvlke  
Mimv vpokate  
Vpaket elle e homvn  
Tvk pvlratkeyate!  
Yvhiketv yuksv-sekon  
Tohkvlk't yvhik'yvres.

34. C. M.

*There is a fount that Flows  
with blood.*

- 1 Pu Hesayecv e nvcen  
Uekiwvt a fihnes;  
Mvt pu Hesayecv catvn  
Es fihne munkvt os.
- 2 Mvt naorkvlken oh kvlket  
Hvsathakusen hay's;  
Este horkopv mvn hecof  
Es afvckeptes:
- 3 Vn holwayeckv mv omis  
Omv1' vm okkoses.  
Yvpefikuce toyetskat!  
Ce catv vcakes;
- 4 'Yv catv en yekce 'stofis

Es fihne munkvres,  
Cem estvlke nesetskvte  
Hesahokepvres.

- 5 Akvsvmkv teropotten  
'Coh heciyof vn her's,  
Naorketv vn nokkican  
Omv1' vm wiceces.
- 6 Vnokeckv 'scv nesetskan  
'Kerriciye munket,  
Mvn vfastin elkv orof  
Cv hesayecvtcvs.
- 7 Cv tulaswv vn hopelkv  
Ofvn cvyiyakof,  
Yvhiketv cvmpus mahen  
'Sece yvhikares.

## 35. 7. S.

*Rock of ages, cleft for me.*

- 1 Cvto enhvteceskv  
Em eyuksv tis seko,  
Vm ehketv toyetskat,  
Ec ofvn ehkvrans;  
Holwayeckv rvkrakat  
Vnen vn kvpvkekvs.
- 2 Eto svrahketskofv,  
Uewv, catv esyome  
Ce nvce afihvvtet  
Mvt cv hvsvtecekvs;  
Momet cen cvpvkktvn  
Hopiyen vkueyekvs.
- 3 Cv turopuswvt ocet  
Pvlatke munken omis,  
Momen heren fekcakhit  
Wikvko munken omis,

Mvt holwayeckv hvmkis  
Vm vkueyeko taves.

- 4 Cemet, ceme tvlkuset  
Hesayecetske taves:  
Naken es cem feketv  
Es cem vlakiye seks,  
Cem etohweklepkv tvl'  
'Se hvlvtiye taves.
- 5 Hesaket omiyisem,  
Pvfnet hopelkvn ayis,  
Monkv cv'lepen omof,  
Mont ekvnnv kerkekan  
Akvwapkiyof, Cemet  
Vm ehketv toyvtcvs.

36. S. M.

*Christ died for the ungodly*

- 1 Cesvs Mekko Hvlwen  
Like munkv tatet:  
Yvmv ekvnnv vlakket,  
Pum estemerkvtes.
- 2 Vnokeckv momat,  
Estimvt hehcekos;  
Naorkvlken hesahuecet  
Vlaket omvtes.
- 3 Monkv mucv estit  
Cesvs vnokecet,  
E mekusapen omate,  
Hesahokepvres.
- 4 Tohweklepkv mimvn  
Oh elet omvtes;  
Momen mv oh elofvhkvn,

Hvset yomuckvtes.

- 5 Aha! estomahen,  
Pum elat omvtes!  
Vnokeckv muntalate,  
Estimvt hehcekos.

37. C. M.

*Christ Crucified.*

(Luke, 23: 33, 44-48.)

- 1 Rvne Kalfvle hocefken  
Es acemecvtes,  
Mvn oh elecet omvtes  
Pu Hesayccvhkvn.
- 2 Tohweklepkv es cakhehcet,  
Tvkopvtayusen,  
Enke elleu setetayen  
Svrahhoyvtes.
- 3 Momof punayat makvtes,

"Cvrke em merrvkvs,  
Naken kerrekot omakes.  
Kicet vtarkvtes.

- 4 Hvse yomucken, ekvvn  
Nekeyen, cvto tis  
Fvlahlen, Hvse-vkerkv  
Tutcenat orvtes.
- 5 Momof yekcen opunayat,  
"Cvrke! cenke ofvn  
Vm puyvfekcvn cem wikis,"  
Kihcet, elepvtes.

38. S. M.

*Christ came and suffered  
for us.*

- 1 Cesvs Mekko Hvlwe  
Like munkv tatet  
Yvmv ekvnvn vlahket,

Pum estemerkvtes.

- 2 Erke en liketv  
Like munkv tatet,  
Naorkvlken hesahuecet,  
Vlaket omvtes.
- 3 Monkv mucv Cesvs  
Vnokecvkeres;  
Mont mekusapeye munket  
Pu psvtkvkvres.
- 4 Momof Cesvs likan,  
Vpok'ye munkvres;  
Yvhiketv yuksv-sekon,  
Yvhik'ye munkvres.

39. C. M.

*Betrayal of Christ*

- 1 Yomuckof en kerrepvlken  
Esyont vpokvtes;  
Mont hompakof, "Hvmkvteket  
Cv wiyvranatskes,
- 2 Mehenwvn cem onayvkis,"  
Cesvs kicakvtes.  
Mon e feke nokhokusen,  
Penkvlakusvtes<i>
- 3 Cv Pucase vnet o haks?  
Makevlke tates.  
Mon yv vn hompats kicvtes<i>  
Cutvsen okvtes.
- 4 "Mehenwvn Este Eppuce  
Ayvranet omes<,>

Cokv es hahoyvte on  
'Stemerkvranet os:

- 5 Momis Æha! mv hunvwnv  
Cesvs er wiyate,  
Heckekaten omvtehkvn,  
En hervranvtes!"

40. P. M.

*Saw ye my Savior?*

- 1 Pu Hesayecvn! pu Hesayecvn  
Pu Hesayecvn hecvks!  
Æha! Kalfvle Mimvn  
Eto teweklepkn, mvn  
Oh vtarket estemerkvtes.
- 2 Mvn oh vtarkof, mvn oh vtarkof,  
E catvt pvlakvtes;  
Hvse tis yomuciken,

Cvtot tefvlahlvtes  
Pu Hesayecv elofvhkvn.

- 3 Hopelakvtes, hopelakvtes.  
Este vcacakatet,  
Momen nettv tutcenof  
Hvtvm akvvpiket  
Em estvlken etehecvtes.
- 4 Mv nettvn hecof, Mv nettvn hecof,  
Herkvv vwahlepvtes;  
Momet herkvv vwahlof,  
Hvlwe min ayepvtes  
Mvn er like munkv taranet.
- 5 Pum fvtcecatet, pum fvtcecatet,  
Erken kice munkvt os,  
Æha! Cvrke toyetskat,  
Vnet em eliyvtes;  
Cent em meriyet, hesahuecvv.

- 6 Em merrvkares! em merrvkares!  
Naorketvn wikaket;  
Vc oh awen omate,  
Vn cvnaken hahihcit,  
Em meriyit, hesahuecares.

41. L. M.

*My peace I leave with you.*

- 1 "Vn herketvn cem wikvkis,  
Ekvnv est'emat onkon;  
Ce feken penkvlehcatskvs:"  
Cesvs kicet 'moaayvtes.
- 2 "Aiyiyvtet rvlakiyof,  
Cvnaken ce hayvkares;  
Momen estvn likiyate,  
Cemeu mvn vpokatskvres.
- 3 "Holwayeckv vpvkeko

Afvcketvt cem ocvkes;  
 Holwayeckv vkerrickv  
 Orvte seko tvlofvn."

42. P. M.

*Christ has gone to prepare  
 a place for us.*

- 1 Ayvtes! Ayvtes ra pum eteta-  
 kucet:  
 Ayvtes! Ayvtes pu Hesayecvt!  
 En yekcetv pum vnicvn  
 Pum wihket; kvwapkvtes.
- 2 Ayvtes! Ayvtes ra pum etetak-  
 ucet:  
 Ayvtes! Ayvtes pu Hesayecvt!  
 En herketv pum vnicvn  
 Pum wihket kvwapkvtes.

- 3 Ayvtes! Ayvtes ra pum etetak-  
 ucet:  
 Ayvtes! Ayvtes pu Hesayecvt!  
 En 'Yvfekcv pum vnicvn  
 Pum wihket kvwapkvtes.
- 4 Ayvtes! Ayvtes ra pum etetak-  
 ucet:  
 Ayvtes! Ayvtes 'me tvlofv min!  
 Mekusvpkv 'sem vhakvn  
 Pum wihket kvwapkvtes.
- 5 Ayvtes! Ayvtes ra pum etetak-  
 ucet:  
 Ayvtes! Ayvtes pu Hesayecvt!  
 Ohfeskctv 'sem vhakvn  
 Pum wihket kvwapkvtes.



43. C. M.

*Now is the accepted time.*

- 1 Awvkes! Cesvs hocefkv  
Vnokecakatskat,  
Mohmet em vhakvn pohvks!  
Mucvt herkv nettvts
- 2 Mucvn pohatskekon omat,  
Ce'stemerkvkvres:  
Monkv mucv afulehcet,  
Cesvs vnokecvks.
- 3 Vnokecatsken omate,  
Ce hesahuecvres:  
Momis 'mvhakvn en kacet  
Fullatsken omate,
- 4 Cem puyvfekecvn cem wihkof,  
Ce'stemerkvkvres.

Monkv hesahokatskofvt,  
E mekusvvpvkes.

- 5 Momof ce pvsatkvkofvt,  
Cesvs en liketvn  
Er oricet, mvn estofis  
Vpokepatskvres.
- 6 Elkv-seko tvlofv min  
Vpokepatskvres:  
Enokketv sekate min  
Vpokepatskvres.

44. C. M.

*The wages of Sin is Death.*

- 1 Hesaketvmese toko  
Em afvckvlkehkv;  
'Sem feketv elkvt omes;  
Totkvn 'soh ceyvres.

- 2 Tvhikvlke, horkopvlke,  
Omvlkvt tohkvket  
Totkv 'meyuksv sekaten  
Es ceyvranet os.
- 3 Momis es ceyeko munket,  
Cesvs oh vpeyvks;  
Cen huehkvke munkofvhkvn,  
Awwkes! maket os.
- 4 Vn hessvlke toyatskateu,  
Hiyomof awvkes;  
Cesvs cen huehkvke munkof,  
A oh awepvkes.

45. S. M.

*Pleading for mercy*

- 1 Cehofv toyetskat,  
Holwayecv toyis!

- Cem alvkiye tetaya?  
Cv feke holwakis.
- 2 Kut! cv feke ofvn  
Liketske tetaya?  
Naorketvt fvcfvket os,  
Momat vne kerris.
- 3 Ce mekusvpetvn  
Komit ci'yacofvn,  
Vm vkerrickvt nak etvn  
Vkerricet omes.
- 4 Cem vhakvn pohis;--  
Cem punvkvn pohis;--  
Momis ehaperkvn pohis<;>  
Cv feket wvnhet ok.
- 5 Cesvs cv H'sayeca!  
Estomvraniya?  
Cv'lvranat tvlkuse haks?

Naorkv toyikv.

- 6 Mohmekos, vm merrvs,  
 Herkvn v'metskvres;  
 Vnen vm eletskvtet ok,;  
 Cen cv feken ce'mis<, >

46. C. M.

*Come, Holy Spirit, Heavenly Dove."*

- 1 Puyvfekev Herat vhtet,  
 Vnen vc vpvkvs<;>  
 Cv feke ofvn vn likvs,  
 Vm ohvtvliyvs
- 2 Ekvnv vc vnokecat,  
 Holwayeckv haken;  
 Cv feket vn kawvpkvronks,  
 Ce'cvkayecickv.

- 3 Ehaperkvn ec oh huehkis,  
 Cv feke kvsvppen,  
 Vn yvhiketvt vn sumkeps,  
 Cv tulas' onvpvn.

- 4 Yvn hesakiyet emunket,  
 Cv'stemerrusvr haks?  
 Vm vnokeckvt yekcvronks:  
 Cenaket yekcetvts.

- 5 Puyvfekev Herat vhtet!  
 Vnen vc vpvkvs;  
 Cv feke ofvn vn likvs,  
 Vm ohvtvliyvs.

47. C. M.

*Come, Holy Spirit.*

- 1 Puyvfekev Vcakat vts!  
 Cen yekce 'somvlkvt;  
 Pu feke kvsvphoyaten

Cen herkvñ vtehvs.

- 2 Ehaperkvñ cen yvhiket,  
Pu'stemerraket os;  
Ce'kvsvmkv estomekot  
Elen mekusapes.
- 3 Hesaketvmese hvmmont,  
Pu fullvrane haks?  
Ce'nokeceyat yekcvronks;  
Cenaket yekcetvts.
- 4 Puyvfekcv Vcakat vts,  
Cen yekce 'somvlkvñt,  
Pu Hesayecv en herkvñ  
Pu feken vtehvs.

48. 8 & 6.

*Just as I am, without one  
plea.*

- 1 "Vc oh vtes," cv kicetskes;  
Ce catv vm pvlatkvtñ,  
Mv tvlken 'punayecit os;  
Hesayeca, atis!
- 2 Ec oh atis; vn 'yvfekcv  
En holwayeckv omvlkvñ  
Ce catv hvsvtecet os:  
Hesayeca, atis
- 3 Cv'stemerrus; cv hecekot,  
Vn 'yvfekcv en helesvñ  
Ceme ofvñ eshecaret,  
Hesayeca, atis!
- 4 Cv nvfhokis, hueriye 'munk's  
Penkvñkv sulket cv nafken,

Cv feke nokkuse emunk's;  
Hesayeca, atis!

- 5 Vm munkusen, cv'setskvres,  
Holwayeckvn vn kvpicvs,  
Cem punvkvn 'kvsamikv;  
Hesayeca, atis!
- 6 Cem vnokeckv kerkekat  
Cenrvpkv omvl' lekafes,  
Monk' cenak' toyyiat tvlkus  
Hesayeca, atis!

49. P. M.

*What wondrous love is this?*

- 1 Hesaketvmese! vm merrvs! vm  
merrvs!  
Hesaketvmese! vm merrvs!  
Hesaketvmese! vm merret, cv  
'sepvvs!

Cenaken cv hayvs! cv hayvs! cv  
hayvs!  
Cenaken cv hayvs! cv hayvs!

- 2 Cv sumkepvnt omis, vm mer-  
retskvs! vm merretskvs!  
Cv sumkepvnt omis, vm mer-  
retskvs!  
Cv sumkepvnt omis, vm mer-  
retske munken,  
Cem e wikit omis, vm merrvs!  
vm merrvs!  
Cem e wikit omis, vm merrvs!
- 3 Vc Afvceciavn atotvs! atotvs!  
Vc Afvceciavn atotvs!  
Vc Afvceciavn a vc oh totetsken  
Elkv sekate min ayares, ayares<i>  
Elkv sekate min ayares.

- 4 Herkvt alvkekvs; yvhikin; yvhi-  
kin;  
Herkvt alvkekvs; yvhikin.  
Herkvt alvkekvs; vc afvcecicvs!  
Herkv tvlofv min ayares, ayares;  
Herkv tvlofv min ayares.
- 5 Puyvfekev Heran! atotvs! atotvs;  
Puyvfekev Heran! atotvs!  
Puyvfekev Heran! vc vpayecets-  
ken,  
Cen liketv heran likares, likares:  
Cen liketv heran likares.
- 6 Elkv sekate mi tvlofvn, tvlofvn,  
Elkv sekate mi tvlofvn.  
Elkv sekate mi herkv emunkaten  
Estofis emunkvn likares, likares;  
Estofis emunkvn likares.
- 7 Herkv yvhiketvn yvhikit, yvhikit,

Herkv yvhiketvn yvhikit,  
Herkv yvhiketvn yvhikiye munk-  
vt,  
Herkv yuksv-sekan likares, lika-  
res;  
Herkv yuksv-sekan likares.

50. C. M

*Morning Hymn*

- 1 Cehofv! Cvrke heretskat,  
A cv kvwapetskes;  
Nuckv ofv wakkiyofvn,  
Vc ahueretskvtes.
- 2 Nettv hvmken vm merretskes  
Ece'kvsvmaren;  
Enokketv en kvpvken  
A cv huericetskes.
- 3 Mucv-nettv vc vpaket,

Vc vhecicetsken,  
Ec ofvn ce mekusapit,  
Emeyuksicares.

- 4 Momet emeyuksiciyof,  
Cen liketv ofv  
Este herake 'peyvten  
Er vpvkeparees.

51. L. M.

*Morning Hymn*

- 1 Pu Hayvte toyetskate!  
Nere pum vfvnnaketsken.  
Elkv pu cvkkeko munken,  
Nucicen ep oh hiyatkes.
- 2 Momis este sulke mahet  
Nere yuksv-sekat 'sceyes:  
Momen heyv hvthiyvtke  
Enokhokat wakke taves.

- 3 Momis pume pum merretsken,  
Pu cvfencvke emunkes;  
Momet nak omvlkvn cemen  
Cem enhonrvkeye munkes.

- 4 Pun hesse, epu'hecicv  
Ceme omat etv sekos;  
Monkv pu feke omvlkvn  
Ece'nokecvken hayvs.

- 5 Momen cemen cem vtotket,  
Ece 'cvkvpeyeyvres:  
Cem vhakvn 'meyaskuset,  
Ece'cvkvpeyeyvres.

- 6 Pu Hayvte toyetskate!  
Nettv omvlkvn pu'pvkvs;  
Momen pu feke omvlkvn  
Ece'nokecvken hayvs.

52. S. M.

*Evening Hymn.*

- 1 Cesvs Epufasta!  
Epu'hecicetsken,  
Etefullen ep oh yafken,  
Fekvpepvranses.
- 2 Mucv-nere cemen  
Cem e wikvranses:  
Epu'fastetske emunken  
Hiyvtkvren komes.
- 3 Mon nettv mucvsen  
Pum merretsken omat:  
Cen yekcen askvwapkeyat,  
Ce'rakkueceyvres.
- 4 Momof epu'paket,  
Pum merretske munken,  
Ece'fekrakkeye munket,  
'Meyuksiceyvres.

53. S. M.

*Evening Hymn.*

- 1 Cesvs! pu'fastetsken  
Fullen ep oh yafkes;  
Este sulket yv ekvvn  
Wiket ot omisem.
- 2 Pum merretske munken,  
Pu cvfencvke munk's;  
Momet mekusvkv fettvn  
Vtehkeye munkes.
- 3 Mucv-yafke cemen  
A ec oh hecakes;  
Mv momeyat cenke ofvn  
Cem e wiket omes.
- 4 Nere epu'paket,  
Epu'fvstvs komes;  
Mont nettv etvn pu'metskat,



A pu kvwapetsken

- 5 Cem penkvkv ofvn,  
Vpeyeye munket,  
Cem afvcketv tvlofvn  
Es ceyeyvres.

54. C. M.

*Christian Triumph.*

- 1 Cesvs em vhakvn pohis  
Mvt vc vpikvres;  
Cv here hahket ca'late  
Ahyit er hecares.
- 2 Cesvs 'mopunvkv herat,  
A vm wiyen hecis;  
Naorketvn emuntahlit,  
Ahyit er hecares.
- 3 Ekvnv vm mellvtehkvn,

Mucvtan hecares:

En herkvvt cv feke fvcke  
Emunkvranet os.

- 4 Cvna fakke es hayvte,  
Vpikit nekeyis;  
Cesvs, mucv-nettvn vhtet,  
Cv feken celayvs.
- 5 Vc vpaketskat vn kerkes;  
Momis cv cvporeks,  
Cv feke afvcke munkvn,  
Vn hayetskekokv.
- 6 Vn Hesaketvmese, vt's,  
Cv tvnkan fvcecv;  
Cen tvlket herkv a'metskes;  
Vtes! vtes! vtes!

55. 7s. 6s.

*O, when shall I see Jesus?*

- 1 Estofvn Cesvs hecit,  
Vpakit likar haks?  
Herkv emunkvn ocit,  
Afackit likar haks?
- 2 Yvmv ekvvn likat,  
Estofvn wakar haks?  
Cesvs en here likan  
Er orit likar haks?
- 3 Mucv em este toyis;  
Cv homvn ayvtes;  
Em vhakvn yvn wihket,  
Vfvstvs cv kicvnks.
- 4 Momen e fvtceciyat,  
En herkvvn v'mvres:  
Em estvlke herakat

Emunken Fullvres.

- 5 Cehofvt vm vnicen  
Ca'lis hesakares:  
En herkvvt es cv tvnken,  
Cesvs oh ayares.
- 6 Holwayeckvt holwakes,  
Monkv wikit omis:  
Vn hessvlke toyatskat,  
Cemeu hiyon wkvks.
- 7 E mekusapatskofvn,  
Nak tis ce'nrapvkat,  
Cesvs vfekrakkaket,  
Mekusvpkvtcvs.
- 8 En herkvvn ehupaket,  
Akvsvmatske tat,  
Yv ekvvnvn wikatskof,  
Hvlwen vpeyatskes.

- 9 Æha! ce penkahlvkats,  
Cesvs vnokecvks;  
En yekcen ce'mvkvres;  
Herkvñ ocatskvres.
- 10 Em'pohatsket emunkis,  
Cen homehcvkekos;  
Cem merrvket emunket,  
A ce cawvkvres.

56. 11s.

*Christian Desire.*

- 1 Cesvs toyetskat, vn hesse  
toyetskes;  
Ce'nokecis, vc vnokecetskekv  
Vnen vm merret; vm eletskvtet os  
Momekv ec oh akvsamit omis  
Cesvs! Cesvs! vn hesse,  
Cenokecusis, vm eletskvtet os.

- 2 Nettv omvlkvñ ece'nokecusit,  
Cem opunvkvñ est'en kerkueciyes  
Æha! momeciyat vm vnicetsken,  
Este sumecvtet ec oh awekvs.  
Cesvs! Cesvs! &c.

57. 11s.

*Promises of God to His  
people.*

- 1 Tecakkeyvte emekusapvlke,  
Cehofv heyvt 'mopunvkvts,  
pohvks;  
"Hvlwe mahen likiye munkv-  
tomis,  
Nak omvlkvñ hayit, ohfvnkiyet  
os.
- 2 Momis este e feke kvncapuse  
Heciyat vtekat, vpakiyet os;  
Momet vm punvkv vnokecusat

Herkvn ohvtvlaken emiyet os.

- 3 Naorkvlke ce psvtkeko munket,  
Vc oh akvsvmkatskvren komis,  
Cerke take toyis, vne tvlkuset  
Heren ce'fvstvkiye tetayet os.
- 4 Yvmv ekvvn estomen fullatskis  
Heren ce'fastvkit ece'pakvkis;  
Holwake estomen ropotecatskis,  
Cem puyvfekcvn tempueciye  
munkvts.
- 5 Yvmvn ce feke cen kvncapusvken,  
Mehenwvn v'mekusapatsken  
omat,  
Ce psvtkvkof ce vpayvkares;"  
Hesaketvmeset makvtet omes.

58. S. M.

*Come ye that love the Lord.*

- 1 Awwkes, Cehofv  
Vnokecakatskat,  
Momet yvhiketv heran  
Yvhikvkepvkes.
- 2 Cehofv hvlwe min  
Like munkvt omes,  
Nak omvlkvn hahicvtet,  
Vfaste munkvt os.
- 3 Tenetketvn komis,  
Tenetke munkvt os:  
Vholocen ohliketvn  
Komis, ohliket os.
- 4 Cehofv vcakat,  
Purkets, vnokeckvts:  
Monkv en yekcen atotof,

Hvlwen 'sepu'yvres.

- 5 Momen mvn'sepu'yof,  
Heceye munkvres:  
Naorketv svnvcomvn,  
Pu naorihcekos.
- 6 Mvn er oriceyof,  
Epu'fackakuset:  
Vpokeye emunkvres,  
Elkv sekate min.

59. C. M.

*Am I a soldier of the Cross?*

- 1 Tohweklepkv suletawv,  
Cesvs acvkayv  
'Munkit, estofis hocefkv  
Kerkueci' munkvres.
- 2 Momen sutv min ayar haks?

Nak omvl' vn heren,  
Vpvlwv en naorketvn  
Tenrapet vpeyof;

- 3 Vc vnrapvlke sekot on,  
Ue'lauken tikar haks?  
Yv ekvny yomuckatet  
Merretv ocet ot,
- 4 Hesaketvmese likan  
'Svc ayvrane haks?  
Monkv tenrapit ayares:  
Momit ohfvnkares.
- 5 Vm vkerrickvn yekcicvs,  
Hesaketvmese;  
Momof cv feke nokkisem,  
Vm vnicetskvres.
- 6 Cem estvlke mekusapat,  
Horre here omen

Tepoyet psvtkvre tis,  
Horre ohfvnkvres.

- 7 Momen nettv heart orof,  
Omv1' hiyayaket,  
Naorketvn ohfvnkaket,  
Heren vpokvres.

60. C. M.

*When I can read my title clear.*

- 1 Herkvt vn hecken kerriyof,  
Cv hesakvret ok,  
Penkvlkv omvlkvn wihkit,  
Vc afackusvres:  
Ekvnv heraten ayis,  
Mvn vc acvk awvks;  
Estit ayetv 'yaceko,  
Mv ekvnv herat?
- 2 Yvmv ekvnv nak ocat

Holwaket 'cvnrapis,  
Momof 'yvfekcv holwakat  
Vpelit, hecares.  
Ekvnv heraten, &c.

- 3 Vkerrickv lauke omet.  
Yekcvket yorecis;  
Momof cv huten 'rorepin,  
Hesaketvmesen:  
Ekvnv heraten &c.

- 4 'Rvpaket, vm puyvfekcv  
Fekape munkvres:  
Nake cv naoricvte  
Vnvcomvn mohkos.  
Ekvnv heraten. &c.

61 5s. 6s. 9s.

*How happy are they.*

- 1 Afackakuses  
Cesvs 'mapohicvt;  
'Mvkerrickv hvlwen em oces:  
Em afvcketvhkvn  
Hvtuse en hecat,  
Tulaswv onayeko tayas.
- 2 Cesvs kerriyof,  
Vc afackusvnkes,  
Em estvlkeu afackakuset,  
E mekusvpaket,  
Vrakkuecet omes:  
Naorkvlk' encakvtes, kicet.
- 3 Alvkvttet ok,  
Afvcketv rakes;  
Catv vhesakvke tayen  
Ocet omekvhkvn:

Vhesahokvkers;  
Erke en yekcen es fvcket os.

- 4 Monk' nettv omvl'  
Cesvs es yvhikis,  
Catv es cv nesvte ofvn:  
Este omvlkisem  
Akvs mvkepet  
Matvpomen yvhikakate.

62 6s. 9s.

*How happy are they.*

- 1 Cesvs 'mapohicvt  
Em afackakuses:  
'Mvkerrickv Hvlwen em oces:  
Em afvcketvhkvn  
Hvtuse en hecat  
Tulaswv onayeko tayas.
- 2 Heyv afvcketv

Cvnaken hayiyvnks,  
 Cesvs ofvn esheciyofv,  
 Mont akvsamiyof,  
 Cesvs en hocefkv  
 Ofvn vc afackuse hakvnks.

- 3 Cesvs kerriyofv  
 Vc afackusvnkes;  
 Em estvlkeu afackakuset,  
 Estonko tetayet  
 Homvn tvkpvlakat,  
 Cesvs e mekusvpakvnkes,  
 4 Cesvs em afackit  
 Yvhikin yafkvnkes;  
 Æha! Este omvl' kerrate!  
 Vc vnokecvtes:  
 Vm estemerrvtes;  
 Vnen cv nesatet omvtes.

- 5 'Mvnokeckv tvrpvn  
 Es cv kvwapiken,

Noarketv mv ofvn wikit,  
 Mont cv 'stemeriket  
 Cv feke nokikes  
 Kome akvsvmkv ocvkvnks.

- 6 Vm etektvniken  
 Vn hiyayakusen,  
 Elicv ayvte omiyvnks;  
 Vm puyvfvkcvhkvn  
 Mvn akvwapkvnkes;  
 Hvresse cvllecvn likvnkes.  
 7 Æha! mv nak here,  
 Vcake ocate,  
 Cesvs a osset on kerriyvnks:  
 Cesvs vc vpakof  
 Vc afvcecicvnks,  
 En herkvv cv fvcket on omvnks.



63. L. M.

*Jesus my all to Heaven is  
gone.*

- 1 Cesvs, purke Hvlwen likes,  
Mvn pu feken en wikeyes;  
Ayvten hecet, vpeyes,  
Nene cutket on vpeyes.
- 2 Owalvlke vpeyvte,  
Estemerkv sekot omes;  
Cesvs en nene heraten  
Vpeyes, herkvt ocet on.
- 3 Yv nene wakkan hopoyet,  
Hecekot, hvkihhokeyvnks;  
Holwayeckvt epu'tehken,  
Pu feke nokket emunkvnks.
- 4 En yekce vnrapeyaten,  
Svheremahet pun nokkvnks;

"Yv min awvks, nene toyis,"  
Cesvs hvmmaken poheyvnks.

- 5 Epu'fvcket ec oh awes;  
Pu cawvs, cenake toyes;  
Holwayeckv tvlken ce'mes;  
Herkv tvlket pun heckvres.
- 6 Pu Hesayecvn esheces,  
Noarkvlken kiceyvres;  
Ce catv este nesvten;  
Mvn est' en kerkueceyvres.

64. 8s. 7.

*Come thou Fount of every  
blessing*

- 1 Merretv omvl' Pucaset,  
Cv feken yvhikuecvs  
Cen yvmvskv fihne munkvn;  
Svn huehketsken yvhikis

Yvhiketv hvlwe ocan,  
 Mvn es v mvhayetskat!  
 Afvcketv hvlwe ocan,  
 Cenherkvn 'sv kvwapkis.

- 2 Mekusvpkvn ce kvwapis,  
 Mimvn oretvn komit;  
 Monkvs cv kometsken omat,  
 Ce huden er orares.  
 Cehofv en sumkiyofvn,  
 Cesvs es cv hecvtes;  
 E catvn es cv nesvtes,  
 Naorketvn wikaren.
- 3 Nettv omvl' ce naorkit,  
 Ce tenrapiye 'munkvts;  
 Cv feke fekhonnekaten,  
 Cen herkvn 'svm en huehkvs!  
 Cv sumke tetayet omes,  
 Vm vnicetskekate;

Monkv cen herkv vcakan  
 Cv feken 'svm oh coyvs.

65 L. M.

*Jesus, and shall it ever be!*

- 1 Elkv-este, Hesayecv  
 Hocefkvn 'mvlse taye haks?  
 Cv Hesayecv toyetskat,  
 Cem vlsiye tetaye haks?
- 2 Hvlme cem-este sulsoket  
 Ece'kvsvmake munkvts,  
 Cen hiyayvke rakkatet  
 Estofis hiyayvket os.
- 3 Ce hocefkv pvnayeckvn  
 Estimvt fekhvmkekar haks?  
 Hvse hiyayakat omet  
 Yomucken vt ohketsket os

- 4 Vm puyvfekcv yomuckan  
Cesvs oh hiyayicet os,  
E hocefkv 'kvsvmares,  
Merretv es fvcket okv.
- 5 Hesayecv hocfetvn  
Es cv penkalvret o haks?  
Momes, vm mvttekon omat,  
Mont nak cv 'yacekon omat.
- 6 Momis sulken cv 'yacet ok,  
Hesayecvn 'kvsvmares;  
Tayen vc afvcke tares,  
Cesvs cv'sepvret okv.
- 7 Mvt vn hesse vnokeckat  
Hvlwen cv kvwapet omes  
Hocefkv 'punayecetv  
'Stofis vm vlose tares.

66. 7s.

*Tis a point I long to know.*

- 1 Cesvn vnokeciya,  
Enake toyi hakes?  
Heyvn kerretvn komis,  
Heyvn 'se naoricis.
- 2 Mvn vnokecin omat,  
Eston hvmmont omi haks?  
E hocefkv pohekat  
'Svn holwakeko wites.
- 3 Cv feke wvnhet omen,  
Mekusvpkvt vn hereks,  
Heyv momet on omat,  
Cesvs vnokeci haks?
- 4 Em opunvkv pohit,  
Hvtvm emekusapit,  
Nak omvl' vfastvryan

Holwayeckvt 'hopanes.

- 5 Cesvs vnokecatskat,  
Vne omakatske haks?  
Vne holwayeciyat  
Cv naorice munkes.
- 6 Mekusapvn heciyof,  
Vc vfackuset omes;  
En cv homecvte tis,  
Hiyomat vnokecis.
- 7 Vn Hesaketvmese,  
Ece'nokecin amat,  
Vnokeckv yekcekan  
Yekce mahen vn hayvs.
- 8 Momis vnokecetvn  
Vlicevkon amat,  
Mucv-nettv mahusan  
Vlicecetvn komis.

67. 7s & 6s.

*I want to be like Jesus.*

- 1 Cesvs omaret komis,  
Eyaskit, kvncapit;  
Cvpvkket opunayen  
Estit pohekates.  
Mekusapiye munket  
Cesvs omiyate!  
Etewolen entvlket  
Emekusapvtes.
- 2 Cesvs omaret komis,  
Estofis merruset,  
Naorihoce 'stomis,  
Est' vnrvpekates:  
Cesvs omaret komis,  
Esten en lopicit,  
Momof vtotkv hervn  
Cesvs cv kicvres.
- 3 Æha! cv Hesayecv

Omvkot arit os;  
 Heyv este estomis  
 Kerkusen hece ta's  
 Cesvs yvmasusetskat!  
 Ece'nokecaren  
 Cem merkvn a vn totvs,  
 Ceme on cv hayvs.

68. S. M.

*Did Christ o'er sinners  
 weep?*

- 1 Cesvs hvkihkv t haks?  
 Pume 'sepu'rahkvn;  
 Momat pume pu turofv  
 Kvrkapusvrana?
- 2 Pu feke nokkusen  
 Es hvkihokvkers,  
 Pu Hesayecv hvkihken,  
 Em estvlk' hecvtes.

- 3 Æha vn yvfekcv!  
 Estomahes komvs,  
 Ceme ce'rahkv mahusan  
 Hvkihket omvtes.
- 4 Naorketv omvl'  
 Es hvkihkvke ta's;  
 Hvlwe-tvlofv tvlkusan  
 Hvkihketv sekos.

69. C. M.

*This is the day when Christ  
 arose.*

- 1 Heyv nettvn Cesvs elkv  
 A en kvwapkvtes;  
 Moman vkerricvkot ont,  
 Nettv yvmahki haks?
- 2 Heyv nettvn totkv rakko  
 Cesvt muntalvtes;

Momaten Este-nekricvn  
'Mvtotkvrani haks?

- 3 Mucv nettvn mekusapvlk'  
Tohkvlk't mekusapes;  
Monkv cv fackuset ayit,  
'Mvhakvn kerrares.
- 4 Ekv'n' wihkit, cem vhakvn  
Mv tvl' hecepare;'  
Yv nettv cv'hosekares;  
Mont vnokecares.

70. S. M.

*"Go, preach my Gospel."*  
(Mark 16: 15, 16.)

- 1 "Vpehyet, vn herkv'n  
Est' en kerkuecvkes,"  
Cesvs pu kicvtet omes,  
Yvmv punkvpakof.

- 2 Awvkes omvlkvt,  
Cawepvks vn herkv'n;  
Momen estit akvsamat,  
Hesahokepvr'es.
- 3 Momis pohakisem,  
Akvsvmvkekat,  
Estemerkv yuksv-sekon  
Estemerrvkvres.
- 4 Yekcetv omvlkv'n  
V'mhoyvtet omis;  
Estomecit komiyate,  
Momeciyet omis.
- 5 'Hopanit komiyat,  
Momeciyet omis;  
Em vnicit komiyate,  
Momeciyet omis.
- 6 Estomen fullatskis,

Ece'pakvkares;  
Cen hvmkusen ce wihkvkos,  
Ece huervkares.

71. H. M.

*The year of jubilee is come.*  
(Lev. 25: 9, 17.)

- 1 Pofketvn pohvkes;  
Punvkv heraten  
Ekvn' yuksv este  
Omv1' pohvkekvs.  
Ohrolope herkv1 vlaks,  
Hesakatskes fulecatskat.
- 2 Mesian hvlwecvks,  
Pum estemerrvten,  
E catv pu nesan  
Hvmkvn kerkuecvkes.  
Ohrolope. &c.

- 3 Hvlwe nak cem ocat,  
Ehaperkvn wiyatsks,  
Mesia en herkvn  
Fekekis cawvkes.  
Ohrolope. &c.
- 4 Naorkvlke toyatsks,  
Naorketvn wikvks;  
Cesvs tenhessiyet,  
Heren vpokvkes.  
Ohrolope. &c.
- 5 A huehkes, pohvkes;  
Heren cem punayvks;  
Ce'fackvkat awvks;  
Cesvs mekusvpvks.  
Ohrolope. &c.
- 6 Cesvs, pum Mekkohkvn,  
Pu 'hueren fekvtes;  
Ce hotosakvkat,

Fekapet, 'mafvcvkvs.  
Ohrolope &c.

72. L. M.

*The Supper Instituted*  
(1 Cor. 11. 23-26.)

- 1 Herkv 'stomahet omvtes!  
Mesia, nere oh kerkof;  
Em estvlke tohkvlkofv  
Tvklik' ehset oh merrvtes.
- 2 "Ehset, hompvks: yv cvnat os!  
Mvn cen kvlkayvkit omis;  
Heyv 'svc vkerricvket  
Omatskvres," makvtet os.
- 3 Matvpomen, sesketuce  
'Sehset, "Heyv sesketuce  
Setemfvtcetv mucvse  
Cv catv ofvts," makvtes.

- 4 "Heyv hiyomecatskvres;  
Estofis heyv eskatskis,  
Vnen 'svc vkerricvket.  
Omatskvres," makvtet os.
- 5 "Heyv tvklike estofis  
Hompert' sesketa seskatskis  
Cehofv elvte kerret,  
Kerkuecatsket os," makvtes.
- 6 Cesvs 'hompertvn 'mvfastet,  
Elvten es vyvhiket;  
Momet e hocefkv haken  
Es yvhiken 'rvlakvres.

73. C. M.

*Jesus took bread and bless-  
ed it.*  
(Matthew 26: 26-30.)

- 1 Nere Mesia oh kerkof,  
En kerrvlken esyont



Hompety-rakkon hompaket  
Vpoken omvtes.

- 2 Momof tvkliken esvtes;  
Momet oh meriyet,  
Kvllahyet, 'Hompvks; cvnat os,'  
Kicet, a e'mvtes.
- 3 Momet sesketuce 'sehset.  
Mont of meriyofot;  
A 'semaket "Omvlkatskat  
Yvn eskvks" kicvtes.
- 4 "Heyvt esetemfvtcetv  
Mucvse cv catvts;  
Mvt holwayecvllk' em pvlatk's,"  
Kicvkvttet omes.
- 5 "Hvtvm svnvcomv yvmv  
Etem esikekos,  
Momis Cvrke hute ofvn

Ce'tem eskvkares,"

- 6 Maket, Cesvs en kerrvllken  
En Kerkuece poyof,  
Yvhiketvn yvhikahket,  
Es ossvtet omes.

74. 7s.

*Mary to her Savior's Tomb.*

- 1 Kalfvle tempusaten  
Cvpofuce ocvtes;  
Mv cvpofuce ofvn  
Cvto-kofket ocvtes:  
Momen mvn Hesayecv  
Elof wakechoyvtes.  
Momen mvn cvto rakket  
'Sem akhotket omvtes.
- 2 Mv cvto-kofken, Melet  
Hiyatkof oh ayvtes,

Enan fvmecicvret  
 'Sfvmecickvn 'sayvtes;  
 Momisem Hesayecvn  
 Esheceko tayvtes:  
 Mon hvkihket huervtes  
 'Stometv kerrekates.

- 3 Momis e feknokkvte  
 Lvpkusan em wkvtes;  
 Hesayecvt elkvhkvn  
 A en kawvpkepekv:  
 'Mafvcketv rakvtes,  
 Em punayen pohofvn,  
 "Estomen hvkihketska?  
 E Pucaset makvtes.
- 4 Cesvs em opunvkvt  
 Mvrahkuecat rakkat os:  
 Mv 'stemerkv rakkaten  
 Afvcketvn hayet os:

Hesayecv vrahkvn  
 Hvkihkatsken omate,  
 Ce turopuswv ocan  
 Cen hvsvthicvkvres.

75. C. M.

*"Death! Tis a melancholy  
 day."*

- 1 Cehofv ocvkekate  
 Elkv 'yacahkekos;  
 Penkvlake estomisem  
 Vpeyvranet os.
- 2 Hvlwe vkerricakisem,  
 Em mattat kerrakes;  
 Holwayeckv vtehkvet,  
 Totkvn soh ceyvres.
- 3 Vhonecaket, kerrvkes,  
 Holwaket cam ocvks;  
 Ekvvn en kvpakatskof.

Ee'stemerrvkvres.

- 4 Ekvnkorket oces hecvks  
'Soh ceyvranatskat!  
Cesvs a cen huehkvkofv,  
Vpeyvranatskes.
- 5 Vc vnokecet, en herkv  
V'mvtet on hueris;  
Puyvfekev herakaten  
Vpvkvraniyes.

76, S. M.

*And must this body die?*

- 1 Elke-este toyis,  
Cvna wakecares  
Momis ca'lat vn 'yvfekcv  
Heran ayepvr haks?
- 2 Liketa heraten  
Likiye munkvr haks?

Elkv en nokke omvlkv  
Ohfvnkit likar haks?

- 3 Ekvnv wikiyof,  
Estvmin ayar haks?  
Afvcketv yuksv-sekon,  
Errorit likar haks?
- 4 Pofketvn poheyof,  
Pu'honecvkvres:  
Nak omvlkvt ep ohfatcof,  
Mvn tehecvkvres.

77. C. M.

*"Hark! From the tombs."*

- 1 Este-hopelkv a huehkan  
Em apohicvkes!  
Cen lumhetv tetakvtes,  
Ahwet ye hecvkes.

- 2 Mekkvlke, yvt en lumhetvts,  
En hvlwe mont omis;  
Est' vcakis, hoporrenis,  
Pume ont lumhvres.
- 3 Hesaketvmese heyvn  
Pu momvranet os;  
Pun lumhetvn oh vpeyes,  
Pu metetakekot.
- 4 Herkvn es pu cvfencicvs.  
Momof tvmeceyes,  
Mohmen puna elepitem  
Hvlwen kvwapk'yres.

78. L. M.

*Funeral of a believer.*

- 1 Tecakkeyvte elaten,  
'Punayecvrvnt nvkaftes!  
'Stemerkt en ropottiyen

- Fekvpkvn epoyepet os!
- 2 En 'yvfekcv kvwapkvtes;  
Yvhiket sutvn ceyvtes;  
Stemerktv omvlkvn wihket,  
Fekvpkvn heckueceptes.
- 3 Liketv herat tvlofvn  
A kvwapkepvttet, likes;  
Hesaketv yuksv-sekan  
Epoyepvtet likepes.
- 4 Holwayeckv seko ocan,  
'Stofis emunkv tvlofvn.  
Epoyepvtet likepes  
Herkv, herkv yuksv-sekan.
- 5 Mv herkv tvlofvn 'pehyet,  
Cesvs etehcevkvres;  
Pu 'stemerrakusvtehkv,  
Mvn meyuksicepvkvres.

6 Yvmv ekvvn fulletv  
 Momosen pun hoyvnepof,  
 Herkv emunkv ocaten  
 Vpokeye munkv tares.

79. S. M.

*And am I born to die?*

1 Cvna elvranen,  
 Cv heckvtet omes;  
 Momen ekvvn kerkekon  
 'Yvfekcv ayvres.

2 Cv'stomvr haks, yvmv  
 Ekvvnv wikiyof?  
 Estemerkv min hecar haks?  
 Kut! Cv hesakvr haks?

3 Pofketvt hakofvn,  
 Mvn a kawvpkares;  
 Sutvt fenkof, ep oh kerken

Mvn vc ohfvvcvres!

4 Cesvs em estvlke  
 E huten 'sceyvres,  
 Kut! momof Este-nekricvt  
 Cv'stemerricvr haks?

5 Mvn vkerriciyat,  
 Cv feke 'nokket os!  
 'Stemerrakan vpakar haks?  
 Kut! herakat tar haks?

6 Kut! Vc vtohkvr haks?  
 Kut! Cesvs cv'svr haks?  
 "Cvrket cem merrvtes," mahken,  
 Vpakit likar haks?

80. 8s 7s.

*"I am going to Jesus."*

1 Tecakkeyvte toyatskat,

Mucv Cesvs oh ayis;  
Cesvs em ekvnnv ayis,  
Hesaketv tvlofvn.

2 Cv wvntake toyetskate,  
Mucv Cesvs oh ayis;  
Cesvs em ekvnnv ayis,  
Hesaketv tvlofvn.

3 Erkenvkvke toyatskat, &c.  
4 Mekusapvlke toyatskat, &c.  
5 Hopoyvlke toyetskate, &c.  
6 Naorkvlke toyetskate, &c.  
7 Vn hessvlke, toyetskate, &c.  
8 Mapohicvlke toyatskat, &c.  
9 Vkerricv toyetskate, &c.  
10 Cv rahvlke toyetskate, &c.  
11 Cv cusvlke toyatkate, &c.  
12 Hopuetake toyetskate, &c.

82. P. M.

*Funeral Hymn.*

*They cannot return to us.*

1 Hopuewuca vm elvna,

Svnc'mvn 'rvteko tayes,  
Momis, momis, momis, momis  
Vntat ahyit, er hecares,  
Svnc'mvn 'rvteko tayet.

2 Cen horkasv cem elvna,  
Svnc'mvn 'rvteko tayes,  
Momis, momis, momis, momis  
Cent ayet er hecetskvres,  
Svnc'mvn 'rvteko tayet.

3 Mekusapv vm elvna,  
Svnc'mvn 'rvteko tayes;  
Momis, momis, momis, momis  
Vntat ahyit er hecares,  
Svnc'mvn 'rvteko tayet.

83. P. M.

*Help me to pray.*

1 Vm vnicvs! vm vnicvs!  
Emekusvpkv vm vnicvs!  
Cv'nokiket wakkiyof,  
Cv'nokiket wakkiyof,  
Cv'nokiket wakkiyof,  
Vm vnicvs.

- 2 Vm vnicvs! vm vnicvs!  
 Emekusvpkvn vm vnicvs!  
 Cv'stemerket hueriyof,  
 Cv'stemerket hueriyof,  
 Cv'stemerket hueriyof,  
 Vm vnicvs.
- 3 Vm vnicvs! vm vnicvs!  
 Emekusvpkvn vm vnicvs!  
 Cv'lvranet wakkiyof, &c.

84. C. M.

*A house not made with  
 hands.*

(2 Cor. 5: 1-4.)

- 1 Puyvfekcv 'melkv sekot  
 Cvna vpiket os;  
 Mv ofvn vm puyvfekcv  
 Hihket os, vtcvret.
- 2 Momis Hvlwen cuko ocis,

- Mvn ceyaret cv 'yac';  
 Mvn cvna elvt sumiken,  
 'Stemerkv sumkekvs.
- 3 Heyv cvna vpikiyat  
 Cv'stemerruset os;  
 Cvna tvlkusen omekos,  
 Herkvt vn sekon os.
- 4 Cuko enke es hakekot  
 Cem oces, makvtes:  
 'Me yuksv-seko Hvlwe min,  
 Mvn 'roriyat komis.

85. S.

*Thoughts on death.*

- 1 Elkv-este toyis,  
 Mvn vkerricares  
 Yvmv ekvkv likate  
 Vm fekhu

- 2 En nene hecikof  
Cesvs alvkvres;  
Momof v'metetakvr hvks?  
Metetakvs, makvnks.
- 3 Nak vm vrakkvte  
Mimosen vn kvpaks,  
Cv kerrekon esmunkvres:  
Vnokecin 'stohkos.
- 4 Monk' akvsamusit,  
Punvkv em esit,  
Heyvn cv momvranet os,  
Komiye munkvres.

86. 7s.

*Eternal rest in Heaven.*

- 1 Hvlwe, Cehofv likan  
Hesahokat vpokes;  
Renakv orekaten,

- Cesvs vpaket fulles.
- 2 Estemerket fullvtes,  
Fulleyat omakvtes  
Penkvlvk vtehkvket,  
Ena nokke ocaket:
- 3 E em vsehakisem  
Hvkihoket fullvtes:  
Mvt kerkuecat omvtes,  
E feke en nokhokan.
- 4 Yv omvl' hoyanvtes  
Hotosake fullvte;  
Estemerrvkekares,  
Hvkihhoke sahsekos.
- 5 (Esvvhik'tvn ocaket,  
Cesvs likan svpokes,  
Pohvks, eslopicakes;  
Cesvs en herkvt omes)



- 6 'Yvfekcv vpeyvtes,  
Holwakat ropotecet:  
Enokketv sekaten,  
Afvckaket vpokes.
- 7 En heren vpokepes,  
Naket naorihcekos;  
Yomucke hecahkekos:  
Nvpvt en homehcekos
- 8 Turopuswv sepekon,  
Naket feksumhuehcekos,  
Nettv yuksv-sekaten,  
Yuksv-sekon fekapes.

87. P. M.

*Our brethren in Heaven*

- 1 Cesvs Purket Hvlwen likes,  
Cesvs Purket Hvlwen likes,  
Cesvs Perket Hvlwen likes,  
Mi Tvlofv min.

- 2 Erkenvkvlke min vpokes,  
Erkenvkvlke min vpokes,  
Erkenvkvlke min vpokes,  
Mi Tvlofv min.
- 3 Tohkvlket yvhikeyvres,  
Tohkvlket yvhikeyvres,  
Tohkvlket yvhikeyvres,  
Mi Tvlofv min.
- 4 Afvcketv yuksv-sekon,  
Afvcketv yuksv-sekon,  
Afvcketv yuksv-sekon,  
Teheceyvres.
- 5 Pun hessvlke min vpokes, &c.  
6 Pu cusvlke min vpokes, &c.  
7 Purahvlkeu min vpokes, &c.  
8 Pu wvntakeu min vpokes, &c.  
9 Hopuetakeu min vpokes, &c.

88. L. M. D.

*To God the Father, God the Son.*

- 1 Hesaketvmeset Erke  
 Hesak'tvmeset Eppuce,  
 Hesak'tvmeset P'yvfekev,  
 'Yv tutcenat hvmkuset os;  
 Nak' omvlkv hesahokat,  
 Omvlkvt akvsvmekvs!

89. 7s.

*Lord dismiss us.*

- 1 Ce mekusapeyvte  
 Momusen tem vwahes;  
 Cen herketvn pu'wahlvs;  
 Mohmet 'sepu'wahecv.
- 2 Mohmen yvmv ekvnv  
 En kvpvakekeyofvt,  
 Cen liketvn 'roricet.  
 Fekvpetvn pu 'yaces.

90. 7s.

*Let thy Mercy continue.*

- 1 Cehofv toyetskate,  
 Pum meretsket emunken.  
 Cen liketvn 'roricet,  
 Ece'pvkepeyvres.
- 2 Mohmen mvn ece'paket,  
 Ce'kvsvmkvn hvlwecet;  
 Ce'nokeckvn, cen kerkvn  
 Ocet, yvhikeyvres.

91. L. M.

*Praise God the Father, Son and  
 Holy Spirit.*

- 1 Em estvlke akvsamof,  
 Pumeu akvsvmvkeres:  
 Purket ot, pu Hesayacvts  
 Akvsvmvke tayet os.

2 Hesaketvmeset Erkets,  
Cesvs Hesaketvmesets,  
Puyvfekcau mv tat omes,  
Omvlkvt hvmkuset omes.

92. P. M.

*Rejoicing in the Resurrec-  
tion*

1 Vn hessvlke toyatskat,  
Oketvt awolicen ayvranis;  
Cesvs elof kawvpkekate,  
Pu sumecvtetvnt os.

2 Cv wvntake toyatskat,  
Oketvt awolicen ayvranis; &c.

	PAGE.
Æha! Kut! Cv Hesayecv.....	3
Æha! Hesaketvmese!.....	8
Æha Cehofv toyetskvt.....	4
Æha! este etolaswa.....	7
Æha, Hesaketvmesen.....	18
Æha! Pu Hesayechkvn,.....	9
Æha Hesaketvmese!.....	6
Afackakuses.....	92
Ayvtes! Ayvtes ra pum etetakuecet; .....	62
Apeyet, este mvhayvks.....	14
Awvkes, cehofv.....	87
Awvkes! Cesvs hocefkv.....	64
Cohefvn akvsvmvkes,.....	17
Cesvs hvkihkvnt haks?.....	104

Cesvs Mekko Hvlwe.....	56
Cesvs! pu'fastetsken.....	79
Cehofv Purke toyetskvt!.....	12
Cesvn vnokeciya,.....	101
Cesvs em vhakvn pohis.....	80
Cesvs. purke Hvlwen likes,.....	96
Cvto enhvteceskv.....	52
Cesvs Purket Hvlwen likes.....	128
Cehofv ocvkekate.....	115
Cesvs 'mapohicvt.....	93
Cvna elvranen,.....	120
Cesvs Mekko Hvlwen.....	54
Cehofv! Cvrke heretskat.....	75
Cesvs toyetskat, vn hesse toyets- kes;.....	84
Cem vhakvn vnokecis,.....	32
Cehofv toyetskat,.....	66
Ce mekusapeyvte.....	130
Cehofv toyetskate.....	131
Cesvs omaret komis.....	103

Cesvs hocefkv en yekcen.....	48
Cesvs Epufasta!.....	78
Cehofvt vc vhecicvts.....	30
Cehofv toyetskat,.....	16
Este vpvlvv en yekcen.....	24
Elkv-este, Hesayecv.....	99
Em estvlke akvsamof.....	132
Estofvn Cesvs hecit,.....	82
Elkv-este toyis,.....	125
Elkv-este toyis.....	116
Este-hopelkv a huehkan.....	117
Hesaketvmese, Hvlwen.....	27
Hesaketvmese! vm merrvs! vm merrvs!.....	72
Hesaketvmesen.....	28
Hesaketmeset Erke.....	130
Hvlwe, cehofv likan.....	126
Hopuewuce vm elvna.....	122
Hesaketvmese mekusalke.....	37
Hesaketv yuksv-seko.....	39

Hesakety emunkaten.....	41
Hesak'tvmese Eppuce.....	45
Holwayecvlke toyatskat!.....	46
Hesaketymese toko.....	65
Herkv 'stomahet omvtes!.....	110
Hesaketymese likes.....	10
Herkvt vn hecken kerriyof.....	90
Heyv nettvn Cesvs elkv.....	105
Hesak'tvmese toyatskat!.....	23
Kalfvle tempusaten.....	113
Mekusvpkv yvmv este.....	34
Merretv omvl' Pucaset.....	97
Nakcokv-rakko heret os.....	31
Nere Mesia oh kerkof.....	111
Omvlkvt yv nvkafteyat.....	21
Po ketvn pohvkes;.....	108
Puyvfekcv 'melkv sekot.....	124
Purke Hvlwe liketskate,.....	20
Purke hute nak omvlkv.....	13
Pu Hesayecv e nvcen.....	50

Pu Hesayecvn! pu Hesayecvn.....	59
Pum vkerrickvn kvwahpet.....	26
Pu hayvte toyetskate!.....	76
Puyvfekcv Vcakat vts!.....	69
Puyvfekcv Herat vhtet.....	68
Rvne Kalfvle hocefken.....	55
Sufke yomuck ocaten.....	42
Tecakkeyvte emekusapvlke.....	85
Tohweklepkv suletawv.....	88
Tecakkeyvte elaten.....	118
Tecakkeyvte toyatskat!.....	36
Tecakkeyvte toyatskat.....	121
Vn Hesak'tvmese.....	22
Vn hessvlke toyatskat.....	132
Vm vnicvs! vm vnicvs!.....	123
"Vpehyet vn herkv.....	106
"Vc oh vtes," cv kicetskes;.....	71
"Vn herketvn cem wikvkis,.....	61
Yomuckof en kerrepvlken.....	58
Yvpefik" vhecicvlket.....	44